

UNIVERZITET U SARAJEVU
FILOZOFSKI FAKULTET U SARAJEVU
Upravni odbor
Broj:01-02/42
Sarajevo, 17.3.2011

Na osnovu člana 246. Pravila Filozofskog fakulteta u Sarajevu (Prečišćeni tekst), Upravni odbor Filozofskog fakulteta u Sarajevu na 75. redovnoj sjednici, održanoj 24. 02. 2011. godine, *donio je*


ODLUKU

I

Usvaja se Pravilnik o izdavačkoj djelatnosti Filozofskog fakulteta u Sarajevu u elektronskoj formi.

II

Pravilnik o izdavačkoj djelatnosti Filozofskog fakulteta u Sarajevu u elektronskoj formi sastavni je dio ove Odluke.



PREDSJEDNIK
UPRAVNOG ODBORA

Lamija Hadžiosmanović
Prof. dr. Lamija Hadžiosmanović

DOSTAVITI:

1. Dekanu Fakulteta
2. Prodekanima Fakulteta x3
3. Sekretaru Fakulteta
4. Uz zapisnik
5. Arhivi

UNIVERZITET U SARAJEVU
FILOZOFSKI FAKULTET U SARAJEVU

PRAVILNIK

o izdavačkoj djelatnosti u elektronskoj formi

Sarajevo, februar 2011. godine

Na osnovu člana 41. i člana 100. Zakona o visokom obrazovanju – Prečišćeni tekst („Službene novine Kantona Sarajevo“ broj: 22/10.), člana 4. Zakona o izdavačkoj djelatnosti ("Službeni list RBiH" broj: 35/90. i 23/93.), Upravni odbor Filozofskog fakulteta u Sarajevu na sjednici održanoj dana, 24. 2. 2011. godine, *donio je*

PRAVILNIK

o izdavačkoj djelatnosti u elektronskoj formi

I. OPĆE ODREDBE

Član 1.

U okviru izdavačke djelatnosti Filozofskog fakulteta u Sarajevu organizira se izdavanje knjiga, monografija i drugih vrsta publikacija Fakulteta u elektronskoj formi u skladu sa uvjetima utvrđenim ovim Pravilnikom i Zakonom.

Član 2.

Prava izdavanja iz člana 1. ovog Pravilnika ima akademsko osoblje Fakulteta.

Član 3.

Filozofski fakultet u Sarajevu zadržava i pravo objavljivanja doktorskih i magistarskih radnji odbranih na Filozofskom fakultetu u Sarajevu.

Član 4.

Status izdavača zadržava Filozofski fakultet u Sarajevu.

Član 5.

Izdavačku djelatnost u elektronskoj formi Fakultet realizira u okviru Službe za naučnoistraživački rad i pod nadzorom prodekana za naučnoistraživački rad i međunarodnu akademsku saradnju.

II. REDAKCIJA IZDANJA U ELEKTRONSKOJ FORMI

Član 6.

Nastavno-naučno vijeće Filozofskog fakulteta u Sarajevu donosi odluku o formiranju Redakcije izdanja u elektronskoj formi u skladu sa odredbama ovog Pravilnika, a na osnovu prijedloga prodekana za naučnoistraživački rad i međunarodnu akademsku saradnju.

Član 7.

Redakcija broji 8 /osam/ članova od kojih su 6 /šest/ iz reda akademskog osoblja (docenti, vanredni i redovni profesori), sekretar Redakcije koji se angažira iz reda saradnika i stručni saradnik za podršku informacionom sistemu.

Prodekan za naučnoistraživački rad i međunarodnu akademsku saradnju je istovremeno i predsjedavajući Redakcije. Rad Redakcije utvrđuje se Poslovníkom o radu.

III. POSTUPAK ZA IZDAVANJE U ELEKTRONSKOJ FORMI

Član 8.

Autor koji je zainteresiran za izdavanje u elektronskoj formi obavezan je dostaviti elektronski materijal u PDF formatu. Svi obrasci potrebni u proceduri se preuzimaju na za to predviđenoj web lokaciji.

Član 9.

Redakcija se o zahtjevu autora dužna izjasniti u roku od 60 dana od dana prijema zahtjeva i materijala u elektronskoj formi.

Član 10.

Nakon dobijanja pozitivne ocjene, izvještaj Redakcije upućuje se Nastavno-naučnom vijeću Fakulteta na saglasnost zajedno sa recenzijama.

Član 11.

Autor obavlja poslove i snosi troškove vezane za dobijanje ISBN-a, ISSN-a i ICP-a.

Član 12.

Nakon obezbjeđenja svih uvjeta iz ovog Pravilnika, e-materijal se dostavlja u predviđenom templejtu (template) stručnom saradniku za podršku informacionom sistemu, kako bi se objavio na zvaničnom portalu Filozofskog fakulteta u Sarajevu.

IV. RECENZIJA

Član 13.

Objavlivanje u elektronskoj formi obavezno podliježe recenziji.

Za objavlivanje u elektronskoj formi neophodno je obezbijediti dvije pozitivne recenzije stručnjaka koji se bave problematikom obuhvaćenom određenim oblastima. Recenzent je iz redova akademskog i znanstvenog osoblja i moraju biti istog ili višeg nastavnonaučnog zvanja u odnosu na autora.

Član 14.

Elektronski materijal ne smije biti već ranije objavljen, bilo u printanoj ili elektronskoj verziji.

V. IZDAVANJE ZNANSTVENOSTRUČNIH E-ČASOPISA FILOZOFSKOG FAKULTETA

Član 15.

Filozofski fakultet u Sarajevu zadržava pravo izdavanja znanstveno-stručnih e-časopisa pojedinih odsjeka i katedri i u elektronskoj formi.

Član 16.

Za izdavanje e-časopisa iz prethodnog člana nadležna je Redakcija iz člana 7. ovog Pravilnika. Odsjek ili Katedra su dužni u potpunosti pripremiti materijale prema predviđenim procedurama e-izdavaštva.

Član 17.

Postupak izdavanja e-časopisa podliježe istom postupku utvrđenom u ovom Pravilniku.

VII. FINANSIJSKE OBAVEZE

Član 18.

Redakcija iz člana 7. predlaže Upravnom odboru na odobrenje finansijske obaveze koje proizilaze iz objavljivanja izdanja u elektronskoj formi koje moraju biti dio Finansijskog plana Fakulteta.

VIII. PRELAZNE I ZAVRŠNE ODREDBE

Član 19.

Za sva pitanja koja nisu regulisana ovim Pravilnikom, primjenjivat će se odredbe zakona.

Član 20.

Tumačenje ovog Pravilnika daje Upravni odbor Filozofskog fakulteta u Sarajevu.

Član 21.

Ovaj Pravilnik usvaja Upravni odbor, a stupa na snagu osmog dana od dana njegovog objavljivanja.

Pravilnik o izdavačkoj djelatnosti u elektronskoj formi usvojen je na sjednici Upravnog odbora dana, 24. 2. 2011. godine.

FEDERACIJA BOSNE I HERCEGOVINE
UNIVERSITET U SARAJEVU
FIZIČKI KOD: 71000

Broj: 01-02/42
Datum: 27. 3. 2011. god.



Prof. dr. Lamija Hadžiosmanović